

酷吏列传序

史记

孔子曰、道之以政、齐之以刑、民免而无耻、道之以德、齐之以礼、

有耻且格。

引孔子之言。

老氏称上德不德、是以有德、下德不失德、是以无德、

法令滋章、盗贼多有。

不德、不有其德也。不失德、其德可见也。滋、益。章、明。○引老子之言。

太史公曰、信哉是言也。

总断一句。引孔子老

子、是立言主意、以见酷吏之不可崇尚也。

法令者、治之具、而非制治清浊之源也。

立论醒彻。

昔天下之网尝

密矣、

谓秦法。

然奸伪萌起、其极也、上下相遁、至于不振。

相遁、谓借法为奸、而无情实、故至于不振。

当

是之时、吏治若救火扬沸、

费、○言本弊不除、则其未难止。

非武健严酷、恶能胜升、其任而愉

同、

快乎。

此时非酷吏救止、安能偷少顷之快、言势不得不然、非与酷吏也。

言道德者、溺其职矣。

溺、谓沉溺不举也。○此言酷吏所由始。

故曰、听讼

吾犹人也、必也使无讼乎。

无借于严酷。○又引孔子之言。

下士闻道大笑之。

何知有道德。○又引老子之言。

非虚言

也。

又总断一句、应前。

汉兴、

汉之初。

破觚而为圜、

觚、八棱有隅者。破觚为圜、谓除去严法。

斲雕而为朴、

斲、削也。雕、刻镂。雕为朴、谓使反质素。

网

漏于吞舟之鱼、

网极其疏、应上网密。

而吏治烝烝、不至于奸、黎民艾安。

同义、

烝烝、盛也。艾、治也。○一段慨想高文之治。

由是观之、在彼不在此。

彼、指道德。此、指严酷。○一束用此力。

意只是当任德而不当任刑、两引孔、老之言便见。又以秦法苛刻、汉治宽仁、两两相较、明示去取。叹昔日汉德之盛、则今日汉德之衰、隐然自见于言外。语不多而意深厚也。